

OFFERYNNAU STATUDOL CYMRU

2024 Rhif 144 (Cy. 31)

ADDYSG, CYMRU

**Rheoliadau Addysg (Cyllid Myfyrwyr)
(Symiau Terfynau Ffioedd a Benthyciadau)
(Diwygiadau Amrywiol) (Cymru) 2024**

<i>Gwnaed</i>	- - - -	<i>13 Chwefror 2024</i>
<i>Gosodwyd gerbron Senedd</i>		
<i>Cymru</i>	- - - -	<i>15 Chwefror 2024</i>
<i>Yn dod i rym</i>	- -	<i>8 Mawrth 2024</i>

Mae Gweinidogion Cymru yn gwneud y Rheoliadau a ganlyn drwy arfer y pwerau a roddwyd i'r Ysgrifennydd Gwladol gan adrannau 22(1)(a), 22(2)(a), (b) a (d) a 42(6) o Ddeddf Addysgu ac Addysg Uwch 1998(1), ac sydd bellach yn arferadwy ganddynt hwy(2), a phwerau a roddir iddynt o dan adrannau 5(3) a 55(2) o Ddeddf Addysg Uwch (Cymru) 2015(3).

Enwi a dod i rym

1.—(1) Enw'r Rheoliadau hyn yw Rheoliadau Addysg (Cyllid Myfyrwyr) (Symiau Terfynau Ffioedd a Benthyciadau) (Diwygiadau Amrywiol) (Cymru) 2024.

(2) Daw'r Rheoliadau hyn i rym ar 8 Mawrth 2024.

Diwygio Rheoliadau Addysg Uwch (Symiau) (Cymru) 2015

2. Mae Rheoliadau Addysg Uwch (Symiau) (Cymru) 2015(4) wedi eu diwygio yn unol â rheoliadau 3 i 6.

- (1) 1998 p. 30; diwygiwyd adran 22(1) gan Ddeddf Dysgu a Sgiliau 2000 (p. 21), adran 146. *Gweler* adran 43(1) o Ddeddf Addysgu ac Addysg Uwch 1998 am y diffiniadau o "prescribed" a "regulations".
- (2) Trosglwyddwyd swyddogaethau'r Ysgrifennydd Gwladol yn adran 22(1) a (2)(b) a (d) o Ddeddf Addysgu ac Addysg Uwch 1998 i Gynulliad Cenedlaethol Cymru, i'r graddau y maent yn ymwneud â gwneud darpariaeth o ran Cymru, gan adran 44 o Ddeddf Addysg Uwch 2004 (p. 8). Darparodd adran 44 o Ddeddf Addysg Uwch 2004 hefyd fod y swyddogaethau yn adran 22(2)(a) o Ddeddf Addysgu ac Addysg Uwch 1998 i gael eu harfer gan Gynulliad Cenedlaethol Cymru yn gyddredol â'r Ysgrifennydd Gwladol, i'r graddau y maent yn ymwneud â gwneud darpariaeth o ran Cymru. Trosglwyddwyd swyddogaeth yr Ysgrifennydd Gwladol yn adran 42(6) o Ddeddf Addysgu ac Addysg Uwch 1998, i'r graddau y mae'n arferadwy o ran Cymru, i Gynulliad Cenedlaethol Cymru gan erthygl 2 o Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672) ac Atodlen 1 iddo. Trosglwyddwyd swyddogaethau Cynulliad Cenedlaethol Cymru i Weinidogion Cymru yn rhinwedd adran 162 o Ddeddf Llywodraeth Cymru 2006 (p. 32) a pharagraff 30 o Atodlen 11 iddi.
- (3) 2015 dccc 1. *Gweler* adran 57(1) am y diffiniadau o "rhagnodedig" ac "a ragnodir" a "rheoliadau".
- (4) O.S. 2015/1496 (Cy. 168).

3. Yn lle rheoliad 3 (ond nid y pennawd o'i flaen) rhodder—

“3. Yn ddarostyngedig i reoliadau 4, 5 a 6, mae Colofn 2 o Dabl 1 yn pennu'r uchafswm rhagnodedig at ddibenion adran 5(3) o Ddeddf 2015 mewn cysylltiad â blwyddyn academiaidd yn y cofnod cyfatebol yng Ngholofn 1.

Tabl 1

<i>Colofn 1</i> <i>Y flwyddyn academiaidd</i>	<i>Colofn 2</i> <i>Yr uchafswm rhagnodedig</i>
Sy'n dechrau cyn 1 Awst 2024	£9,000
Sy'n dechrau ar neu ar ôl 1 Awst 2024	£9,250”

4. Yn lle rheoliad 4 (ond nid y pennawd o'i flaen) rhodder—

“4.—(1) Mae'r rheoliad hwn yn gymwys mewn cysylltiad â'r canlynol—

- (a) blwyddyn academiaidd derfynol cwrs pan fo'n ofynnol i'r flwyddyn academiaidd honno fel rheol gael ei chwblhau ar ôl llai na 15 wythnos o bresenoldeb;
- (b) cwrs hyfforddiant cychwynnol athrawon (gan gynnwys cwrs o'r fath sy'n arwain at radd gyntaf), y mae swm cyfanredol unrhyw gyfnodau o astudio llawnamser mewn blwyddyn academiaidd yn ystod y cwrs hwnnw yn llai na 10 wythnos.

(2) Pan fo'r rheoliad hwn yn gymwys, mae Colofn 2 o Dabl 2 yn pennu'r uchafswm rhagnodedig at ddibenion adran 5(3) o Ddeddf 2015 mewn cysylltiad â blwyddyn academiaidd yn y cofnod cyfatebol yng Ngholofn 1.

Tabl 2

<i>Colofn 1</i> <i>Y flwyddyn academiaidd</i>	<i>Colofn 2</i> <i>Yr uchafswm rhagnodedig</i>
Sy'n dechrau cyn 1 Awst 2024	£4,500
Sy'n dechrau ar neu ar ôl 1 Awst 2024	£4,625”

5. Yn lle rheoliad 5 (ond nid y pennawd o'i flaen) rhodder—

“5.—(1) Mae'r rheoliad hwn yn gymwys mewn cysylltiad â blwyddyn academiaidd cwrs rhyngosod—

- (a) pryd y mae swm cyfanredol unrhyw gyfnodau o astudio llawnamser yn llai na 10 wythnos, neu
- (b) os yw swm cyfanredol unrhyw un neu ragor o gyfnodau o bresenoldeb nad ydynt yn gyfnodau o astudio llawnamser yn y sefydliad (gan ddiystyru gwyliau yn y cyfamser), mewn cysylltiad â'r flwyddyn academiaidd honno ac unrhyw flynyddoedd academiaidd blaenorol ar y cwrs, yn fwy na 30 o wythnosau.

(2) Pan fo'r rheoliad hwn yn gymwys, mae Colofn 2 o Dabl 3 yn pennu'r uchafswm rhagnodedig at ddibenion adran 5(3) o Ddeddf 2015 mewn cysylltiad â blwyddyn academiaidd yn y cofnod cyfatebol yng Ngholofn 1.

Tabl 3

<i>Colofn 1</i> <i>Y flwyddyn academaidd</i>	<i>Colofn 2</i> <i>Yr uchafswm rhagnodedig</i>
Sy'n dechrau cyn 1 Awst 2024	£1,800
Sy'n dechrau ar neu ar ôl 1 Awst 2024	£1,850"

6. Yn lle rheoliad 6 (ond nid y pennawd o'i flaen) rhodder—

“**6.**—(1) Mae'r rheoliad hwn yn gymwys mewn cysylltiad â blwyddyn academaidd cwrs a ddarperir ar y cyd â sefydliad tramor—

- (a) pryd y mae swm cyfanredol unrhyw gyfnodau o astudio llawnamser yn y sefydliad yn y Deyrnas Unedig yn llai na 10 wythnos, neu
- (b) os yw swm cyfanredol unrhyw un neu ragor o gyfnodau o bresenoldeb nad ydynt yn gyfnodau o astudio llawnamser yn y sefydliad yn y Deyrnas Unedig (gan ddiystyru gwyliau yn y cyfamser), mewn cysylltiad â'r flwyddyn academaidd honno ac unrhyw flynyddoedd academaidd blaenorol ar y cwrs, yn fwy na 30 o wythnosau.

(2) Pan fo'r rheoliad hwn yn gymwys, mae Colofn 2 o Dabl 4 yn pennu'r uchafswm rhagnodedig at ddibenion adran 5(3) o Ddeddf 2015 mewn cysylltiad â blwyddyn academaidd yn y cofnod cyfatebol yng Ngholofn 1.

Tabl 4

<i>Colofn 1</i> <i>Y flwyddyn academaidd</i>	<i>Colofn 2</i> <i>Yr uchafswm rhagnodedig</i>
Sy'n dechrau cyn 1 Awst 2024	£1,350
Sy'n dechrau ar neu ar ôl 1 Awst 2024	£1,385"

Diwygio Rheoliadau Addysg (Cymorth i Fyfyrrwyr) (Cymru) 2017

7. Ym mhob un o reoliadau 16(1), 19(1) ac 20(1) o Reoliadau Addysg (Cymorth i Fyfyrrwyr) (Cymru) 2017(5), ar ôl “rheoliad 5(1)(e)” mewnosoder “neu (ea)”.

Diwygio Rheoliadau Addysg (Cymorth i Fyfyrrwyr) (Cymru) 2018

- 8.** Yn rheoliad 40 o Reoliadau Addysg (Cymorth i Fyfyrrwyr) (Cymru) 2018(6), yn Nhabl 2—
- (a) yng Ngholofn 1, ar ôl “Sy'n dechrau ar neu ar ôl 1 Medi 2018” yn y ddau le y mae'n digwydd, mewnosoder “ond cyn 1 Medi 2024”;
 - (b) ar ddiwedd y Tabl, mewnosoder y cofnodion a ganlyn yn y Tabl—

“Sy'n dechrau ar neu ar ôl 1 Medi 2024	1	Darparwr arferol	Cymru	£9,250: cwrs llawnamser £2,625: cwrs rhan-amser
--	---	------------------	-------	--

(5) O.S. 2017/47 (Cy. 21), y mae diwygiadau iddo nad ydynt yn berthnasol i'r Rheoliadau hyn.

(6) O.S. 2018/191 (Cy. 42); y diwygiadau perthnasol yw O.S. 2018/814 (Cy. 165), O.S. 2019/235 (Cy. 54) ac O.S. 2020/153 (Cy. 27).

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

		Mannau eraill yn y DU	£9,250: cwrs llawnamser £6,935: cwrs rhan-amser
	Sefydliad preifat	Cymru	£6,165: cwrs llawnamser £2,625: cwrs rhan-amser
		Mannau eraill yn y DU	£6,165: cwrs llawnamser £4,625: cwrs rhan-amser
2	Darparwr arferol	Cymru	£4,625
		Mannau eraill yn y DU	£4,625
	Sefydliad preifat	Cymru a manau eraill yn y DU	£3,080
3	Darparwr arferol	Cymru	£1,850
		Lloegr	£1,850
		Yr Alban a Gogledd Iwerddon	£4,625
	Sefydliad preifat	Cymru a Lloegr	£1,230
		Yr Alban a Gogledd Iwerddon	£3,080
4	Darparwr arferol	Cymru	£1,385
		Lloegr	£1,385
		Yr Alban a Gogledd Iwerddon	£4,625
	Sefydliad preifat	Cymru a Lloegr	£920
		Yr Alban a Gogledd Iwerddon	£3,080
5	Darparwr arferol	Cymru a manau eraill yn y DU	£5,785
6	Darparwr arferol	Cymru	£1,385
		Lloegr a'r Alban	£1,385"

13 Chwefror 2024

Jeremy Miles
Gweinidog y Gymraeg ac Addysg, un o
Weinidogion Cymru

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn diwygio—

- (a) Rheoliadau Addysg Uwch (Symiau) (Cymru) 2015 (“Rheoliadau 2015”),
- (b) Rheoliadau Addysg (Cymorth i Fyfirwyr) (Cymru) 2017 (“Rheoliadau 2017”), ac
- (c) Rheoliadau Addysg (Cymorth i Fyfirwyr) (Cymru) 2018 (“Rheoliadau 2018”).

Mae Rheoliadau 2015 yn rhagnodi'r uchafswm y mae sefydliad a chanddo gynllun ffioedd a mynediad yn gallu ei godi drwy ffioedd dysgu ar gyfer cyrsiau gradd llawnamser. Mae Rheoliadau 2015 hefyd yn rhagnodi uchafsymiau is mewn cysylltiad â chysiau penodol.

Mae Rheoliadau 3 i 6 yn diwygio Rheoliadau 2015 i gynyddu pob uchafswm rhagnodedig mewn cysylltiad â blynyddoedd academaidd sy'n dechrau ar neu ar ôl 1 Awst 2024.

Mae Rheoliadau 2017 yn darparu ar gyfer cymorth ariannol i fyfirwyr cymwys sy'n dilyn cyrsiau addysg uwch dynodedig sy'n dechrau cyn 1 Awst 2018.

Mae Rheoliadau 2018 yn darparu ar gyfer cymorth ariannol i fyfirwyr cymwys sy'n dilyn cyrsiau addysg uwch dynodedig sy'n dechrau ar neu ar ôl 1 Awst 2018.

Mae rheoliad 7 yn gwneud cywiriadau i Reoliadau 2017.

Mae rheoliad 8 yn diwygio Rheoliadau 2018 i gynyddu uchafswm y benthyciad at ffioedd dysgu sydd ar gael i gategoriâu penodol o fyfirwyr sy'n ymgymryd â chysiau gyda darparwyr arferol yng Nghymru mewn cysylltiad â blynyddoedd academaidd sy'n dechrau ar neu ar ôl 1 Awst 2024. Mae'r cynnydd yn y cymorth yn cyfateb i'r cynnydd yn uchafswm rhagnodedig y ffioedd o dan Reoliadau 2015, o ganlyniad i'r diwygiadau a wneir gan reoliadau 3 i 6.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, lluniwyd asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn. Gellir cael copi oddi wrth: Yr Is-adran Addysg Uwch, Llywodraeth Cymru, Parc Cathays, Caerdydd, CF10 3NQ.